



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xij Macedonius Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

vnd von einer fürtrefflichen Rathsperson geboren/ Er hat in seiner jugent in einem Benedictiner Closter studiret/ Darnach ist er zu ein Römischen Papst erwohlet worden/ vnd hat 13. jar solches versorget / Er hat viel Ceremonias vnd Päpstliche Gesez in die Kirchen eingeführt/ vnd zu seinen vnd nach seinen zeiten/ ist die Kirche mit vielen vnnötigen vnd Abgöttischen gebräuchen/ Ceremonien / vnd auch falschen Lehren beschwert worden / Auch ist nach ihm vnder Phoca dem Keyser/ der gräuolliche Mahumet mit seiner Tyrannen entstanden/ Anno Christi 630. Diser Gregorius ist gestorben/ Anno Christi 605.

Go  
B  
xiiij  
Macedonius.

**M**eropel im Phrygia gelegen / war ein Amptman/ der befahle die Abgöttische Tempel wider auffzuschliessen / vnd richtet darinnen die Abgöttische Bilder wider auff/ Darüber warder dieser Macedonius mit viel frommen Christen sehr betrübt/ vñ auß Christlichem eifer giengen sie bey der nacht in Tempel / vnd zerrissen alle Bilder/ so der Amptmann auffgerichtet hat/ Darüber ward er gräuolich ergrimmet/ vnd gedachte vil Bluts der vnschuldigen Christe zuuergießen/ Macedonius aber sampt etli



erlichen seinen Gesellen / stelten sich freywillig  
dar / als die Thäter.

Dieweil sie aber den Abgöttern nicht wol-  
ten Opffern / ließ der Amptmann disen Mace-  
donium vnd andere mehr / auff befehl Juliani  
des Keyfers gräwlich martern / vnd zuletzt auff  
einem Kost braten / In solcher marter sprachē  
sie mit freudigem herzen zu dem Amptmann /  
O Amachi / wann du lust hast von gebratenem  
Fleisch zu essen / so wende vns vmb / auff die an-  
der seyten / damit du nicht etwas an vns / das  
nur halber gebraten were / finden möchtest /  
Solches ist geschehen vnder Juliano Römi-  
schem Keyser / im 366. jar Christi.

In der Wendischen verfolgung hat sich ein  
Wunderwerck Gottes zu Tynasa in Mau-  
ritania gelegen / zugetragen / Die Christlichen  
Bürger dieweil sie sahen / daß man ihnen mit  
gewalt Cyrillum einen Kezerischen Arriani-  
schen Bischoff eingesast hatt / haben sich der  
mehrertheil auff Schiffen auß der Statt ins  
elendt begeben / Die anderen aber / so noch inn  
der Statt bliebē / dieweil sie die Arrianische Se-  
cten nit wolten annehmen / sonder darwider red-  
ten / da bestellet der König zu Carthago einen  
Brauen / daß er alle Christen auff den Markt

F 311

ri  
C  
rillij  
Repara-  
tus.